

Bibliya Para Kareng Anak

Bibye na kekayu:

Ing mumunang
Pasku ning
Sinubling
Mebye



Sinulat ng: Edward Hughes

Ginulis ng: Janie Forest
Alastair Paterson

Semasnan ng: Lyn Doerksen

Sinalin keng Kapampangan ning:
www.christian-translation.com

Gewa ning: Bible for Children
www.M1914.org

©2021 Bible for Children, Inc.


Lisensya: Atin kang karapatang kumopya o iprint
ining istorya basta eme mu pipisali.



Ing babai makatalakad
ya king masiglang gilid
lalawen ing teribling
malyari. Ing keyang
anak mamamate ya.
Ing inda apin iya I
Maria, makatalakad
malapit king lugar
nung nokarin ya
mepaku king
krus I Jesus.



Makananu ngan
milyari ini? Makananu
ya meyari ing mayap at
masanting ng biye
Jesus king
makanini
paralan?
Ot peburen
na ning Guinu a
mapaku at mate ya
king krus ing kayang
anak? Ginawa ya waring
e mayap I Jesus king
pangatau na? Mebigu
ya ba ing Guinu?



Ali! Eya mebigu ing
Guinu. Eya ginawang e
mayap I Jesus. Balu
nang Jesus na paten
de reng e mayap a
lalaki. Agyang anyang
bingut yapa I Jesus,
atin matwang lalaking
mikilagyung Simeon na
sinabi kang Maria na
datang ing
pamagmalun.



Mapilan aldo bayu de paten I Jesus, atin babaing dintang at bilusnan neng pabanglu ing bitis na. "Manyayang yang pera". Ngara deng disipulus. "Mayap ing depatan na", nganang Jesus. "Gewa na ini para king kakung burul" anapaya.




Kayari na nini, I Hudas,
metung kareng labing adwa
ng disipulus mebisa yang
magtaksil kang Jesus king
hepe da reng pari kalibe
ning atlung pulung pilak.



King pista da reng Hudyo,
mengan ya I Jesus abe nala
ding keyang disipulus. Sibyanan
nalang masanting a bage, amanu
ning Guinu at keyang pangaku
kareng lulugud kaya. Kayari
dininan nalang tinape at kopa
banta dang pipitna pitna. Iti
bangkanita ayalala da
na ing katawan
at daya ng
Jesus mibye ya
bang apatawad
da ing kasalanan
ning yatu.



Kaybat sinabi ng Jesus kareng keyang kaluguran na atin magtaksil at pulayan de. "Edaka pulayan", nganang Pedro. "Bayu la manilauk deng tatyo, ilingad mukung atlung besis." Nganang Jesus.



Kanitang benging ayta,
mengadi ya I Jesus
king mula ning
Getsimane. Deng
keyang disipulus
mipatudtud la. "O
kanakung Ibpa," anang
mengading Jesus,
"...idayu me kanaku ining
kopa. Oneng aliwa ing
kaburyan ku, nune ing
keka iyang matupad".



Kayari na nita, dinatang ya I Judas kayabe deng dakal a taung magmartsa king mula. Dekap de I Jesus at eya linaban. I Pedro pinutut ne metung balugbug ing metung a tau. Matahimik, telan neng Jesus ing keyang balugbug at kinayap ya. Balu nang Jesus na ing pangarakap na kayabe ya king kaburyan ning Guinu.



Deng madla dela de I Jesus king Pekapun ding pari. Karin, ing lider da reng Hudyo sinabi nang dapat yang mate I Jesus.

King malapit, I Pedro makatalakad ya lele da reng api da deng magsilbi, manalbe.





Atlung besis, linawe de I Pedro at ngara, "Kayabe
me I Jesus!" Atlu mu naman besis liningad nang
Pedro ita anti na mong
sinabing Jesus malyari.
I Pedro mu naman
sinumpa ya.



TIK-TILAUK

Pinandit a ita, tinulauk
ya ing tatyo. At
aganaka ng Pedro ing
sinabi ng Jesus. At
menangis yang kapait
paitan I Pedro.





Magsisi ya naman I Judas.
Balu na na I Jesus ala yang
bakas kasalanan. Babalik
nala ding atlung pulung
pilak oneng enala
tinggap deng pari.




Inugse nalang
Judas ding pilak.
Linwal ya at
megbigti.




Ding pari dela de I Jesus kang Pilato, ing gobernador king Roma. Nganang Pilato, "Ala kung ikit kasalanan ning taung ayni." Oneng deng sabla gugulyak da, "Ipaku ye!" "Ipaku ye!"



Bandang talwi I Pilato migdisisyun
ya, at megpasya yang ipaku at
paten I Jesus king krus. Deng
sundalu penumbuk de I Jesus,
linuran de lupa at pemugbug de.
Ginawa lang koronang masuksuk,
at pesulud de kang Jesus. Kaybat
na nini pinaku de king krus bang
kanita karin ya mate.



I Jesus baluna kanita pa na makanita ya mate.
Balu namu naman na ing pangamate na magdala yang
kapatawaran kareng sablang sinalpantaya kaya.
Ating adwang kriminal a mepaku mu
naman kasiping na mingatba.
Ing metung meniwala ya
kang Jesus - at miras ya
keng Paraiso. Ing
metung aliya.



Kayari ing pilan oras a
pamagdusa, nganang Jesus
"Meyari ne." at mete ya.
Meyari ne ing obra
na. Deng kayang
kaluguran kitkut
de king pribadung
kutkutan.



Kaybat na nita deng
sundalung Romanu
tikpan at binanten
de ing kutkutan.
Alang bitasang
makalub o luwal.



Nung makanini ya pamiyari
ing istorya, kalungkut na.

Oneng atin yang gewa ing
Guinung masanting.

I Jesus eya
megluwat
mete!




Abak a maranun ning
mumunang aldo ning duminggu,
mapilan kareng alagad ng
Jesus ikit da ing batu
makalisya ya king
kutkutan. Inyang
linawe de kilub,
edane ikit I
Jesus.



Ing metung a babai migdatun ya
gagaga king kutkutan. Pepalto
ya I Jesus keya! Milayi ya at
matula ng sinabi kareng alagad.
"Mabye ya I Jesus! Sinubli
yang mebye ibat king
pangamate!"





Kayari na nita, pintalan nalang Jesus deng
keyang alagad at pepakit nala ding gamat ng
atin bakas mepaku. Tutu ya iti. **SINUBLI
YANG MEBYE!** Petawaran ne I Pedro king
pamaglingad na kaya at sinabi na kareng
keyang alagad na sabyan da king madla ing
tungkul keya. Pepaytas ya banwa nung
nokarin ya menibat kayari na nita.



Ing mumunang Pasku ning sinubling mebye

Istorya menibat king salita ning Guinu,
ing Bibliya

akit keng

Matteo Kaadwang pulu't anam angga kaadwang
pulu't walu, Lucas Kaadwang pulu't adwa angga
Kaadwang pulu't apat, Juan Kalabing atlu
angga Kaadwang pulu't metung

"Ing dalan kilub ning kekang salita mameye
yang sulu." Ding Dalit 119:130





Ing Kayaryian



Ing istorya ning bibliyang ayni sasabyan na tungkul keng mayap tamung Guinu a meglalang at buri naka akilala.

Ing Guinu balu na ginawa tamung e masanting, a sasabyan nang sala. Ing yatul keng sala, kamatayan. Uling king lugud ning Guinu pedala ne ing yakabud ng anak, I Jesus, banta mate ya king krus at iyang miparusan keng kekang kasalanan. Kaybat I Jesus sinubli yang mebye at pepaytas ya banwa. Nung sasalpantaya ka kang Jesus at manyad kang tawad Kaya kareng kekang kasalanan, gawan na! Datang ya at kumabye keka, at kumabye ka mu naman kaya angga man king alang angga.

Nung maniwala kang ini ing katutwan, sabyan mu ini keng Guinu: Kaluguran kung Jesus, sasalpantaya kung ika ing Guinu, a megging tawu para mate keng kakung kasalanan at sinubling mebye. Datang ka keng kakung biye at patawaran muku kareng kakung kasalanan, bang kanita midinan kung bayung biye ngeni, at miras ing aldo akayabe daka angga man keng alang angga. Sopan mukung taluki keka at mibye para keka bilang anak mu. Amen.

Basan me ing Bibliya at pakisabyan me ing Guinu aldo aldo! Juan 3:16

